



*Leef* **NOU LEEFGROEPE**  
waar jy ook al is wanneer jy daar is

**Hoe om te boer in die Bybel**

**SIKLUS 1**

**Week 4**



# God se asem tussen bladsye

- Week 1: Wanneer God fluister
- Week 2: Om God te **Google**
- Week 3: Asem in. Asem uit
- **Week 4: Hoe om te boer in die Bybel**
- Week 5: Spieëltjie, spieëltjie in my hand
- Week 6: Kweek die regte aptyt

# WEEK 4

- Hoe om te boer in die Bybel -

21-27 Februarie 2021

# MENS TOT MENS

---

- Beantwoord die volgende vrae:
  - Waaroor is jy dankbaar?
  - Hoeveel uit 10 sal jy jou week gee en hoekom?
  - Vertel mekaar van iets wat jou werklik opgewonde/bly maak?

# MENS TOT GOD

---

Steek 'n kers aan as simbool van God se teenwoordigheid

Luister na 'n geestelike lied en word stil in die Here se teenwoordigheid

- Gee geleentheid vir gebede



# GOD TOT MENS

---

1. Kyk na die vierde video van die reeks:

<https://www.youtube.com/watch?v=BTqGIWzgaHI&t=3s>

## 2. Lees saam Lukas 8:4-8 en 11-15

- Gesels met mekaar oor wat in die tekste julle opval?
- Noem 'n paar goed wat ons harte verhard sodat ons nie ontvanklik is vir die Here se Woord nie. Beskryf die kenmerke van 'n sagte hart. Hoe dink julle kan ons mense help om sagte harte te kry?
- Ons lees in die verhaal van vier verskillende tipes grond waarop die saad geval het. Dit beeld vier tipes harte uit. Vertel vir mekaar hoe lyk 'n hart wat soos 'n

1. Pad,
2. Klipbank,
3. Tussen onkruid,
4. Goeie grond is.

Hoe dink julle moet ons elke tipe hart benader?

- Dorings word dikwels met sonde of die verkeerde vergelyk in die Bybel. Watter dorings is daar in jou lewe? Hoe kan die Woord van God jou help om die dorings uit te roei.
- Die optimale plek vir God se Woord word beskryf as goeie grond. Wat kan ons doen om goeie grond in ons harte te kry? Hoe lyk die grond van jou hart?
- Waar val die saad by jou? Wie laat die saad in ons harte groei? Het ons 'n verantwoordelikheid? Gesels met mekaar oor hoe julle mekaar kan help.
- Grond moet voorberei wees om plante te plant. Hoe berei jy tans jou hart voor sodat God daarin kan plant?
- Die Woord moet gesaai word sodat dit kan vrugdra. Hoe is julle as kleingroep besig om die Woord te saai. Wat kan julle dalk nog doen?

# MENS TOT MEDEMENS

---

## *Leef***GEWOONTES**

**is om ons daarin te oefen om bewus van God te leef**

Met hierdie geloofsgewoonte leer ons om die stem, leiding en teenwoordigheid van God in ons alledaagse lewe raak te sien. Hierdie gewoonte skep 'n dieper bewussyn van God se wil vir ons lewe.

- Hoe kan julle as *Leef***GROEP** mekaar help om gestruktureerd deur die Bybel te lees?
- Kyk na die riglyne vir die **Refleksiegebed** op die laaste bladsy. Gesels met mekaar oor hoe julle die riglyne kan volg om julle harte voor te berei vir God se werk.



# Onthou-tekse

---

## Leer die week 1 Petrus 1:23

(2020 Direkte vertaling - <https://biblesa.co.za/> )

"Julle is immers weergebore, nie uit verganklike saad nie, maar uit onverganklike saad: die lewende en ewige Woord van God."



# Doen dinge

---

1. Saai iewers in die week dieselfde saad in 4 verskillende tipes grond. Stuur die kinders om bietjie in die omgewing of by 'n kwekery verskillende grondtipes bymekaar te maak in 4 roomysbakke. Soek vir 'n bietjie sanderige grond en dan weer klipperige grond en ook weer kleigrond ens. Kyk in watter grond die saadjies eerste gaan opkom. Let wel - dit mag dalk 'n paar weke neem voordat dit opkom.
2. Gaan saai saad iewers die week in julle omgewing. Maak of koop kaartjies wie die goeie nuus van Jesus se vergifnis vertel en gaan deel dit uit vir mense.
3. Knip vir elke gesinslid 'n hart uit van karton. Deel die hart op in 4 dele en laat elkeen na die dag self besluit of sy/haar hart vandag sag of hard was vir die stem van die Here. Hulle kan dan 'n minus of plus teken in daardie blokkie maak.

# VOORBIDDING

---

- Deel enige gebedsverhoring of Godservarings sedert julle mekaar laas gesien het. Dank God daarvoor.
- Spreek julle versugting in gebed uit om volkome onder die beheer van die Heilige Gees te lewe.
- Dank die Here vir Sy Woord in ons lewens.

# Om te lees hierdie week

---

## BYBELROOSTER

DAG	OU TESTAMENT	NUWE TESTAMENT
1	Hosea 11:8-11	Jakobus 4:13-17
2	Joël 2:28-32	1 Petrus 1:3-9
3	Amos 5:4-9	2 Petrus 3:8-13
4	Obadja 1:17-21	
5	Jona 1:17-2:10	
6	Miga 4:1-7	

# REFLEKSIEGEBED

- gebaseer op Ignatius van Loyola se Examen-gebed

1. Haal 'n paar keer diep asem om rustig te raak en word bewus van God se teenwoordigheid.
2. Vra vir God vir leiding in hierdie gebed en nadenke.
3. Begin terugdink aan jou week. Wat het alles gebeur? Dink terug sonder enige oordeel, asof jy 'n rolprent van jou lewe die afgelope week sien afspeel, met God aan jou sy. Neem net waar en onthou. Waar was die grootste emosie of gebeurtenisse?
4. Identifiseer gebeurtenisse wat vir jou lewe gegee het, of waar jy dieper bewus was van God se teenwoordigheid en goedheid. Dink ook aan die volgende: Waar was jy ten volle teenwoordig en die beste weergawe van jouself? Waar/wanneer/deur wie is God se liefde en hoop aan jou ten toon gestel? Dank God vir elk van hierdie geskenke.
5. Identifiseer nou gebeurtenisse waar jy moontlik nie op jou beste was nie, waar jy weggedraai het van wat goed of liefdevol was. Vra vir God vir bystand. Waar is jou skadumotiewe of -karakter ontbloot? Waar is daar struwelinge in jou binneste? Waar was daar ontwrigting? Gee dit als oor aan God.
6. Gesels nou met God oor wat jy hierdie week in jou stiltetyd beleef het. Wat is God besig om aan jou te openbaar of jou aan te herinner?
7. Kyk nou vorentoe en gesels met God oor wat jy nodig het vir vandag, die res van die week en die naweek.